

yemals oben/ oder durch den munde einge-
nommen habe/ wie andere/ aber so mans
außwendig gebraucht/ hat es eben einerley
eigenschafft vñnd Tugend mit dem Gayß-
Kot/ allein das es noch etwas mehrers thüt/
dann es die hangende warzen (so die Grie-
chen acrochordones nennen) vñnd die harte
hüneraug/ so es mit effig gemacht/ vñnd
ober geschlagen wirdt/ heylet vñnd vertrey-
bet.

Von der wilden vñnd heymischen
Tauben Kot.

Der wilden Tauben Kot/ oder so man die-
selbige nit haben kan/ der heymischen/ hat
ein sondere/ doch glaubliche eigenschafft
für das hufftweh/ so Brunnen Kres darun-
der gethon wirdt. Derowegen so ich etwas
auf den gleichen/ welches tieff darinn ste-
cket/ durch die haut außführen (Dann inn
difen zufellen die hindersich schlahende Ar-
gneyen sehr gefehlich seindt) so brauch ich
difes pflaster. Ich nimb von gemeltem
Kot vier lot/ Senff samen/ vñnd Kres eines
jeden zwey quintlin/ Olei Philosophorum,
welches durch die destillation von alten
Stegelfsteinen zubereytet ist/ vier lot/ vñnd
misch

misch vnder einander / vnnnd legts vber das
gleich der hufft / Vnnnd das will ich sagen/
es sey mir darumb feind wer da wölle / das
ich mit gemeltem Kot / mit Pfersich stain öl
zerknischt / vnnnd vbergeschlagen / vnzelich
vil von langwirigem Hauptweh erlediget
hab.

Von dem Gans Kot.

Galenus sagt / das das Storcken / vnnnd
Gans Kot zu nichten gut sey / dieweil es gar
zu scharpff ist. Ich hab aber so vil inn der
erfarung gesehen / vnd in vngleichen Leüt
ten / oder Complexionen / das ich gleich der
warhait zum schutz gezwungen wirt / zusas
gen das Galenus nye erfahren habe / wie
nuzlich dises Kot seye. Dann auff ein zeyt
ein Barsüßer Mönnich gewesen ist / der het
alle tag vor seiner Thür bey den hundert
Personen / die da begerten von der Geels
sucht quit / vnd ledig zu werden / Vnnnd die
warhait zubekennen / so schicket er keinen
von ihm / er were dann gesund. Vnd damit
ihm diese handthierung desto mehr einträge
(wiewol solche leut dem Gelt nicht so hoch
nachtrachten solten) gab Er ihnen zuver
stehn / vñ beredets dahin / dz sie vermaineten